

毛詩異文箋卷四

鹽城陳玉樹

還子授子之粲兮 不素飧兮 有饒簋飧

鄭風緇衣還子授子之粲兮傳粲餐也校勘記曰粲餐也
小字本相臺本同案釋文云飧蘇尊反在粲字後諸廬字
前是釋文本餐作飧正義云粲餐釋言文考爾雅與此傳
意同皆謂粲爲餐段借釋文本誤玉樹案阮說非也釋言
粲餐也釋文本作粲餐也云飧謝素昆反說文云餽也字
林云水澆飯也本又作餐是餐與飧字通漢書王莽傳下
旦夕哭爲設飧粥師古曰飧古飧字音干安反是讀飧爲
餐也

韓信傳注飧古
飧字音干安反

列子說符篇狐父之盜曰北見而下

壺餐以饋之張湛注餐音孫水澆飯也是讀餐爲飧也伐
檀不素餐兮釋文引沈云餐音孫集韻類篇皆云餐通作
飧餐飧音同故毛傳爾雅有粢餐粢飧兩本如以餐爲正
字說文云餐吞也字林云餐吞食也餐非食物何能言授
儀禮聘禮宰夫朝服設飧周禮司儀致飧國語周語膳宰
致飧晉語僖負羈餽飧皆言飧不言餐知授粢卽是致飧
伐檀不素飧兮傳孰食曰飧正義曰客始至之大禮其食
孰致之大東有饌簋飧傳飧孰食謂黍稷也箋云飧者客
始至主人所致之禮也飧乃客始至之禮既還而以始至
禮待之厚之至也故曰好賢如緇衣毛曰粢飧也此謂段

借粲與餐皆从歺聲粲之通作殮猶餐之通作殮矣禮記
緇衣正義引鄭目錄云粲餐也餐亦當讀爲殮爾雅校勘
記云爾雅作殮爲正字毛詩傳作餐爲段借字此當從陸
本詩校勘記又以陸釋文作殮爲誤其說之自相矛盾如
此則其不出於一人之手可知矣段玉裁郝懿行陳奐皆
以粲爲餐之段借今不取其說

火烈具揚

燎之方揚

我朱孔陽

先君云火烈具揚傳揚揚光也正義曰火有行列俱持揚
之又釋傳云言舉火而揚其光耳非訓揚爲光也案孔氏
說非也傳以揚揚爲句光也爲句以揚揚釋揚猶柏舟傳

以汎汎釋汎淇奧傳以赫赫釋赫赫氓傳以沃沃釋沃咥咥
釋咥匪風傳以發發釋發偈偈釋偈嘒嘒釋嘒嘒常棣傳以
鄂鄂釋鄂白萼傳以扁扁釋扁雲漢傳以蘊蘊釋蘊隆隆
釋隆皆經單文傳重文揚與陽通故訓光七月我朱孔陽
傳陽明也明卽光也正月燎之方揚箋云燎之方盛之時
鄭訓揚爲盛盛與明亦一義新臺傳以泚爲鮮明君子偕
老傳以玼爲鮮盛是也正義以揚爲奮揚誤矣周以火惠
王故以火爲喻傳云滅之以水以衰姒喻水漢披香博士
淖方成斥趙昭儀曰此禍水也滅火必矣義與此同漢亦
以火惠王故云然漢書敘傳壺闔恣趙朝政在王炎炎燎

火亦允不陽用詩語而字作陽不陽猶言無光云耳谷永傳亦作燎之方陽陽正字當出三家詩毛詩古文用借字玉樹謹案昭二十一年左氏傳公自揚門見之卽檀弓之陽門水經注睢水篇云左陽門卽睢陽東門左傳晉解揚古今人表作解陽王風君子陽陽正義引史記意氣陽陽今史記管晏列傳作意氣揚揚野有蔓草清揚婉兮韓詩外傳作清陽宛兮皆揚陽字通之證

叔善射忌又良御忌抑磬控忌抑縱送忌
叔馬慢忌

叔發罕忌抑釋擲忌抑鬯弓忌 彼其之子

揚之水
淒淒

椒聊

大叔于田以忌爲語助者八傳云忌辭也箋云忌讀如彼
己之子之己釋文忌注作己同音記揚之水羔裘汾沮洳
椒聊候人皆云彼其之子揚之水箋云其或作記或作己
讀聲相似釋文其音記詩內皆放此或作己亦同候人釋
文其音記下皆同韓詩外傳引汾沮洳椒聊羔裘彼其之
子皆作彼己之子左傳襄二十七年晏子春秋內篇襍上
新序節士義勇篇竝引羔裘彼其之子作彼己之子禮記
表記引詩彼記之子不稱其服左傳僖二十四年後漢書
明帝紀注文選求自試表注竝引詩彼己之子不稱其服
謝元暉高齋閑聖詩注引毛詩彼己之子美無度史記匈奴

奴傳彼己將帥集解引詩云彼己之子索隱云彼己者猶
詩人譏詞云彼己之子是也案記己忌皆其之聲假其爲
語詞音凡有三一音記彼其之子是也一音基夜如何其
是也一音渠之切灼灼其萼有蕢其實是也方言車下鉄
大者謂之綦郭璞音忌綦之音忌猶其之音忌矣

左氏文二年傳

夏父弗忌禮器作夏父弗綦

抑磬控忌

磬無不宜

瓶之磬矣

抑磬控忌傳騁馬曰磬案節南山傳騁極也磬當作罄天
保傳蓼莪傳竝曰罄盡也釋詁同騁馬盡其所之故曰罄
磬與罄古字通禮記樂記石聲磬注磬當爲罄左氏僖二

十六年傳室如縣磬釋文磬本又作磬國語室如縣磬明
道本作磬宋庠本作磬云本亦作磬釋名釋樂器磬磬也
玉篇磬部磬口定切以石爲樂器也或作磬

抑鬯弓忌 虎韞鏤膺交韞二弓 言韞其弓

抑鬯弓忌傳鬯弓弣弓正義曰鬯者盛弓之器鬯弓謂弣
弓而內之鬯中案鬯乃韞之假音鬯之本義爲秬釀鬱艸
江漢云秬鬯一卣是也小戎虎韞鏤膺傳韞弓室也弓室
又名弓衣說文韞部韞弓衣也从韞長聲詩曰交韞二弓
傳以鬯弓爲弣弓者說文弓部弣弓衣也从弓叟聲蓋弓
衣謂之弣因之臧弓于弓衣亦謂之弣弓室謂之韞因之

納弓於弓室亦謂之韃禮記檀弓下韃弓注韃韜也鬯之
爲弋猶韃之爲韜矣采綠言韃其弓釋文韃弋也本亦作
鬯鬯宮二矛重弓傳重弓重于鬯中也釋文鬯弓衣也字
或作韃是鬯與韃古字通

駟介旁旁 出車彭彭 駟驪彭彭 以車彭彭

清人駟介旁旁釋文旁補彭反王云彊也案彊卽盛也廣
雅釋訓旁旁盛也大明駟驪彭彭箋云馬又彊正義云彭
彭然皆彊盛出車篇云出車彭彭傳彭彭四馬貌蓋亦謂
四馬彊盛之貌駟篇云以車彭彭傳彭彭有力有容也有
力則亦彊矣說文旁溥也彭鼓聲也皆非正字其正字當

作駟說文駟馬盛也从馬旁聲引詩四牡駟駟卽四牡彭
彭之異文玉篇馬部駟步庚百庚二切駟駟馬行兒今作
彭據顧說則烝民四牡彭彭箋云彭彭行兒韓奕百兩彭
彭疏云彭彭然而行亦當作駟據說文當作𠂔𠂔部𠂔附
行也易大有九四匪其彭釋文彭步郎反子夏作𠂔王弼
注亦作匪其𠂔孔穎達云彭𠂔也大𠂔中昆侖𠂔薄注𠂔
薄猶彭𠂔也釋名釋兵篇彭排軍器也彭𠂔也在𠂔排敵
禦攻也後漢書戴就傳每上彭考注彭謂𠂔也虞延傳注
𠂔捶也音彭史記司馬相如傳澎漚沆瀣漢書澎作𠂔楚
茨祝祭于𠂔說文示部作祝祭于𠂔足部𠂔讀與彭同春

秋成十八年晉侯使士魴來乞師襄十二年晉侯使士魴來聘公羊作士彭皆其例

駟介麋麋以車伾伾

駟介麋傳麋麋武貌案說文鹿部麋屬麋無武意段玉裁謂爲麋之段借說文麋行兒亦無武意小雅吉日麋伾伾一本作麋麋伾伾韓詩作駟駟駟說文人部作伾伾伾是麋與伾通說文伾有力也有力與武是一義麋當爲伾之段借魯頌駟篇以車伾伾傳伾伾有力也說文本毛傳

二矛重喬有集維鵠

二矛重喬釋文喬毛音橋鄭居橋反雉名韓詩作鵠案鄭
讀喬爲鵠車輦有集維鵠傳鵠雉也說文鳥部鵠走鳴長
尾雉也从鳥喬聲佳部雉有十四種盧諸雉喬雉字作喬
與毛詩合爾雅釋鳥作鵠雉鵠今文喬古文陳奐詩疏曰
傳重喬累荷也累當作絜荷當作何元鳥傳何任也絜何
猶負荷釋文沈胡可反謂兩矛之飾相負何也正義曰如
重絜相負何故謂之絜何也案上章重英矛有英飾但釋
經英字之義不釋重字此重喬絜何但釋經重字之義不
釋喬字蓋喬亦飾也箋矛獲近上及室題所以縣毛羽釋
文云喬居橋反雉名韓詩作鵠題頭也室劍削名也方言

云劍削自河而北燕趙之間謂之室此言室謂矛頭受刃處然則毛詩作喬爲借字韓詩作鵲爲本字謂以鵲羽飾矛也箋云縣毛羽从韓說以申補毛義非與毛或異也陸孔皆謂毛讀喬爲橋訓高非是

洵直且侯 其下侯旬 來旬來宣

羔裘洵直且侯傳洵均也釋文洵徐音荀又音旬正義曰洵均釋言文桑柔其下侯旬傳旬言陰均也正義曰釋言云旬均也某氏引此詩李巡曰洵徧之均也則旬是均之義故云言陰均也案洵借字旬正字說文洵過水中也旬遍也徧卽均也江漢來旬來宣傳旬徧也旬洵古字通漢

書地理志漢中郡旬陽句水所出常璩華陽國志漢中志
作洵陽洵水所出酈商傳別將攻旬關師古曰漢中旬水
上之關也今在洵陽縣山海經南山經又東四百里曰洵
山郭注洵一作旬御覽九百四十一卷引作旬山

無我惡兮不逮故也 無我醜兮不逮好也

遵大路不逮故也釋文故也一本作故兮後好也亦爾案
上三句皆以兮爲語助此句作也也卽兮之段音其字爲
也其音爲兮也與兮古字通用旄邱何其處也韓詩外傳
也作兮君子偕老玉之瑱也邦之媛也說文引詩也俱作
兮箸正義引作玉之瑱兮蝨蝨乃如之人也韓詩外傳列

女傳作乃如之人兮尸鳩其儀一兮心如結兮禮記緇衣引作其儀一也淮南詮言篇引作其儀一也心如結也詩經小學曰古尙書周易無也字毛詩周官始見而孔門盛行之兮在第十六部也在第十七部部異而音近各書所用也字本兮字之段借

無我醜兮 亦孔之醜 屈此羣醜

無我醜兮傳醜棄也箋云醜亦惡也案毛讀醜爲敼說文敼棄也引詩無我敼兮鄭讀醜爲醜說文醜可惡也釋文醜鄭音爲醜正義曰醜與醜古今字是也醜有二義一爲好惡之惡一爲美惡之惡十月之交亦孔之醜泮水屈此